





16  
17  
18  
19  
20  
21  
22  
23  
24  
25  
26  
27  
28  
29  
30  
31  
32  
33  
34  
35  
36  
37  
38  
39  
40  
41  
42  
43  
44  
45  
46  
4



2002-30  
854  
10/16





歷代古碑石刻

目錄

夏

峒嶼碑

古篆體姓氏缺碑在留縣  
國朝康熙十二年重刻

秦

二世詔書刻石

係李斯篆體碑在諸城縣  
缺年月

嶧山碑

係李斯篆體碑在鄒縣  
元至元二十九年重刻

嶧山碑

係李斯篆體文同前碑在兗州府署  
國朝康熙五十五年重摹

漢

北海相景君碑

係隸體姓氏缺字多模糊在濟寧州  
漢安二年立

延光殘碑 係隸體姓氏缺字跡利落碑在諸城縣  
延光四年立

魯相乙英請置百石卒史碑 係隸體姓氏缺字有剝蝕碑在曲阜縣  
永興元年立

魯相韓勅造孔廟禮器碑 係隸體姓氏缺字有剝蝕碑在曲阜縣  
永壽二年立

泰山都尉孔宙碑 係隸體姓氏缺字有剝蝕碑在曲阜縣  
延熹七年立

郭有道碑 係隸體姓氏缺碑在金鄉縣  
建寧二年建明天啟年重刻

魯相史晨經復孔廟前碑 係隸體姓氏缺間有剝字碑在曲阜縣  
建寧二年立

魯相史晨饗孔廟後碑 係隸體姓氏缺間有剝字碑在曲阜縣  
建寧二年立

博陵太守孔彪碑 係隸體姓氏缺字有剝蝕碑在曲阜縣  
建寧四年立

穀城長蕩陰令張遷碑 係隸體姓氏缺字跡模糊碑在東平州  
中平三年立

### 魏

封孔羨碑 係隸體姓氏缺字有剝蝕碑在曲阜縣  
黃初元年立

### 北魏

魯郡太子張猛龍碑 係楷書姓氏缺字有剝蝕碑在曲阜縣  
正光三年立

賈使君碑並陰 係楷書姓氏缺字有模糊碑在滋陽縣  
缺年月

### 周

熒陽鄭文公碑 係楷書姓氏缺字跡模糊碑在掖縣  
永定四年立

### 北齊

夫子廟碑 係隸書姓氏缺字多剝蝕碑在曲阜縣  
乾明元年立

隴東王胡長仁感孝頌碑

係隸書姓氏缺碑在肥城縣  
武平元年立

佛座銘石刻

係楷書姓氏缺字跡模糊碑在益都縣  
河清三年立

隋

舍利塔下銘

係孟頫書碑在益都縣  
仁壽元年立

曲阜令陳叔毅脩廟碑

係隸體姓氏缺碑在曲阜縣  
大業元年立

唐

房彥護碑

係隸體姓氏缺字跡模糊碑在章邱縣  
貞觀五年立

冉子徐侯墓碑

係隸體姓氏缺碑在鄆城縣  
上有貞觀字跡

孔子廟堂記碑

係虞世南正書字有剝落碑在城武縣  
缺年月

攀龍附鳳四字碑

係虞世南正書碑在濰陽縣  
嘉靖辛酉年摹刻

贈秦師魯國孔宣公碑並陰

係隸書範正書碑在曲阜縣  
儀鳳三年立

唐府君碑

係薛稷重潤隸書字有磨泐碑在掖縣  
景雲年間立

醴泉寺誌公碑

係楷書姓氏缺字跡剝落碑在章邱縣  
大極元年立

修孔子廟碑

係張廷珪隸書間有剝字碑在曲阜縣  
開元七年立

仲烈墓志銘

係王無競楷書字有剝落碑在掖縣  
開元十一年立

紀泰山銘

係元宗隸書碑在泰安山  
開元十四年立

任城縣橋亭

係李元言隸書碑在濟寧州  
開元二十六年立

兗公之頌碑

係包文該楷書間有剝字碑在曲阜縣  
天寶元年立

東方朔畫贊碑

係顏真卿楷書碑在陵縣  
天寶十三年立

龔邱縣庾公德政碑

係李陽冰篆書碑在寧陽縣  
大歷五年立

脩文宣王新門記

係裴平隸書間有刺字碑在曲阜縣  
大歷八年立

李白題安期生詩刻

係李白正書碑在掖縣  
缺年月

壯觀二字碑

係李白楷書碑在掖縣  
缺年月

岱嶽觀造像雙碑

係楷書姓氏缺共八頁字多模糊碑在泰安縣  
自顯慶六年至建中元年立

新脩曲阜縣文宣王廟碑

係楷書姓氏缺字有剝落碑在曲阜縣  
咸通十一年立


夫子廟堂碑

係程浩正書碑在濟陽縣  
嘉靖乙酉年重建

後周


任公屏盜碑

係張振行書碑在鉅野縣  
顯德二年立



夏禹岫嶮碑並陰

承帝曰嗟翼輔佐卿洲渚與登鳥獸之門參身洪流  
而明發爾興久旅忘家宿岳麓庭智營形折心固不  
辰往求平定華嶽泰衡宗疏事哀勞餘神禮鬱塞昏  
徒南瀆衍亨衣制食備萬國其寧鼠舞永奔



岫嶼碑陰

一本洲渚作水處無而字不作弗一本作承帝令襲

翼為援弼欽塗陸登島瀾端鄉邑仔麓流船暗歇遲

眠即夙訖冬次亭麓殿陌裂出折因墮躔往求出


竅華恒泰衡嵩匪事哀獻椽稭禔禔鬱濬墊從南暴幅

員鄧別界聯魑魅夔魍竄舞蒸彝

按岫嶼石刻世鮮見者自宋嘉定中蜀人何致于好

奇遇樵子引至其地搨出一刻於夔門一刻於岳麓

書院崔融詩所謂龍畫傍分螺書扁刻者是也乃世





之隸釋者互有不同楊升菴集載二本王元美家又有二本楊時齋有二本皆各自為讒予又見趙亟子石墨精華云亦云見有二本者何七蕃於康熙壬子過長山見壁間墨搨與升菴集不合因並刻於石以俟博雅之君子

按廣輿記載禹祭衡山夢元爨男子自稱蒼水使者曰若得我簡書知導水爾至齊禹乃齊三日果得金簡玉牒於岫巒峰下遂刻石唐劉禹錫寄呂衡州詩云傳聞祝融峯上有神禹碑祝融峰亦在衡州

鄴道元水經註云禹治洪水血馬祭衡山得簡書通水理即此

新都升菴楊先生

云徐靈期衡山記云夏禹導水

通瀆刻石書名山之高劉禹錫寄呂衡州詩云傳聞

祝融峯上有神禹銘古石琅玕姿秘文龍虎形崔融

云於鑠大禹顯允天德龍畫傍分螺書遍刻韓之

詩句嶠山尖神禹碑字青石赤形奇又云千搜萬

索何處有森森綠樹猿獠悲古今文士稱述禹碑者不一然劉禹錫蓋徒聞其名矣未至其地也韓退之

至其地矣未見 其碑也崔融所云則似見之蓋  
所謂螺書遍刻者非目睹之不能道也宋朱晦翁張  
南軒游南嶽尋訪不獲其後晦翁作韓文考異遂謂  
退之詩為傳聞之誤蓋以耳目所限為然也王象之  
輿地紀勝云禹碑在岫嵗峯又傳任衡山縣雲密峯  
昔樵人曾見之自後無有見者宋嘉定中蜀士因樵  
夫引至其所以紙打此碑七十二字刻於夔門觀中  
後俱亡近張厚文僉憲自長沙得之云是宋嘉定中  
何政子一 刻於嶽麓書院者斯文顯晦信有神物

獲持哉

一見而不可得余生又後三公乃得見三公所未見  
一奇矣蓋原趙亟子云禹碑七十二字在衡岳雲密  
峰楊用修得之張僉憲云宋嘉定中何致子一游南  
岳脫其文刻於岳麓書院用修又刻於滇中安寧州  
近世楊時喬又刻於棲霞山天開巖余所收二本其  
一稍泐跋数十字尤不可辨隱其一則 楊時喬刻  
也用修謂韓愈劉禹錫朱熹張栻諸人求之不得而  
已得之以為奇幸而王元美憂疑之謂銘詞未諧聖


經類汲冢穆天子語何也用修

並楊時喬皆

註隸釋互有不同元美亦有二本釋亦不同時喬本  
出在元美后元美所得豈即何子一楊用修二刻也  
何其牴牾同耶但其文龍畫螺書鸞漂鳳泊雖經摩  
刻猶又相見古人惜得衡岳石上蹟耳

秦二世詔書刻石

皇帝曰金石刻畫始皇帝所為也今襲號而金石刻  
辭不稱始皇帝其於久遠也如後嗣為之者不稱成  
功盛德丞相斯臣去疾御史大夫臣德昧死言臣  
請具刻詔書金石刻因明白矣臣昧死請制曰可




嶧山碑文

秦李斯撰

皇帝立國惟初在昔嗣世稱王討伐亂逆威動四極  
武義直方戎臣奉詔經時不久滅六暴強廿有六年  
上薦高號孝道顯明既獻泰成乃降專惠親巡遠方  
登於嶧山羣臣徙者咸忌攸長追念亂世分土建邦  
以開事理攻戰日作流血於桀目秦古始世無萬數  
弛及五帝莫能禁止乃今皇帝一家天下兵不復起  
災害滅除黔首康定利澤長久羣臣誦略刻此樂石  
以著經紀皇帝曰金石刻畫始皇帝所為也今襲號

而金石刻辭不稱始皇帝其於久遠也如後嗣為之  
者不稱成功盛德丞相臣斯臣去疾御史大夫臣德  
昧死言臣請共刻詔書金石刻已明白矣臣昧死請  
制曰可




漢北海相景君碑

惟漢安二年仲秋三日故北海相任城景廐君卒嗚  
呼哀哉國維殞寶莫彥喪傳列宿虧精晚學後時於  
何穹蒼布命授期有生有死天實為之豈夫仁哲彼  
克不造於是故吏諸生相與論曰上世羣后莫不流  
先芒於無窮垂芬耀於書篇身沒而行明體亡而名  
存或著像於列圖或繫頌於管弦後來詠其德竹帛  
叙其勲然作誄曰伏惟明府受質自天孝弟淵懿師  
禮蹈循根道核藝抱淑守貞晶白清方克已治身實

柔實剛乃武乃文遵考孝竭假借司農流德元城興  
利惠民強禦改節微弱蒙恩威立澤宣化行如神帝  
嘉厥功授以符命守郡益州路遐總親躬作遜讓夙  
肖朝廷建英中謹拜秩東行璽追嘉錫據北海相部  
城十九鄰邦歸何分明好惡先以敬讓殘為易心輕  
黜踰境鳴梟不鳴分子還養元元鰥寡蒙祐以寧蓄  
道修德繁祉以榮紛紛令義明府體之仁義道述明  
府膺之黃朱邵父明府三之台輔之任明府宜之以  
病被徵委任致仕民黎思慕遠近搔首農夫失耒商

人空市隨舉飲淚奈何朝廷奪我慈父去官未旬病  
乃困危珪璧之符臨卒不回歔噓賈絕奄忽不留孝  
子嚚悼顛倒剝推逆爾克寤永潛長歸州里鄉黨隕  
涕奔哀故吏昭怛歔唏徘徊四海冠蓋驚慟哀懷大  
命有期實惟天付睿主設位明府不就臣子欲養明  
府弗留嗚乎哀哉辭曰口考積幽室口口分口口  
口翔議郎分再命虎將綏元元兮規英渠謨主忠信  
兮羽衛藩屏撫萬民兮口口恩口口兮宜參口  
輔口幹貞兮不永糜壽棄臣子兮仁敷海外著甘棠

兮石勒銘口口不忘兮



延光殘碑

琅邪

是吾字安都


維思居二十年

都男

子長

業其功譽忙

示好延光四年六月二十一日庚戌造碑



魯相乙瑛請置百石卒史碑文

司徒臣雄司空臣戒稽首言魯前相瑛書言詔書崇  
聖道勉六藝孔子作春秋制孝經刪述五經演易繫  
辭經緯天地函贊神明故特立廟褒成侯四時來祠  
事已即去廟有禮器無常人掌領誦置百石卒史一  
人典主守廟春秋饗禮財出王家錢給犬酒直湏報  
謹問太常祠曹掾馮牟史郭元辭對故事辟雍禮未  
行祠先聖師侍祠者孔子子孫太宰太祝令各一人  
皆備爵太常丞監祠河南尹給牛羊豕雞○○各一



大司農給米祠臣愚以為如瑛言孔子大聖則象乾  
坤為漢制作先世所尊祠用衆牲長吏脩爵今欲加  
寵子孫敬恭明祀傳於罔極可許臣請魯相為孔子  
廟置百石卒史一人掌領禮器出二家錢給犬酒直  
他如故事臣雄臣戒愚戇誠惶誠恐頓首頓首死罪  
死罪臣稽首以聞制曰可元嘉三年三月廿七日壬  
寅奏雒陽宮元嘉三年三月丙子朔廿七日壬寅司  
徒雄司空戒下魯相承書從事下當用者選其年册  
以上經通一執雜試通利能奉弘先聖之禮為宗所

歸者如詔書書到言永興元年六月甲辰朔十八日  
辛酉魯相平行長史事下守長擅叩頭死罪敢言之  
司徒司空府壬寅詔書為孔子廟置百石卒史一人  
掌主禮器選年册以上經通一執雜試能奉弘先聖  
之禮為宗所歸者平叩頭叩頭死罪死罪謹案文書  
守文學掾魯孔鮒師孔憲戶曹史孔覽等雜試鮒修  
春秋嚴氏經通高第事親至孝能奉先聖之禮為宗  
所歸除鮒補名狀如牒平惶恐叩頭死罪死罪上司  
空府讚曰巍巍大聖赫赫彌章相乙瑛字少卿平原

高唐人令鮑疊字文公上黨屯留人政教稽古若重  
規矩乙君察舉守宅除吏孔子十九世孫麟廉請置  
百石卒史一人鮑君造作百石吏舍功垂無窮於是  
始司徒公河南原武吳雄字季高司空公蜀郡  
成都趙戒字意伯

魯相韓勅造孔廟禮器碑文


惟永壽二年青龍在涿歎霜月之靈皇極之日魯相  
河內京韓君追惟太古華胥生皇雄○○育○寶俱  
制元道百王不改孔子近聖為漢定道自天王以下  
至於初學莫不驥思歎仰師鏡顏氏聖舅家居魯親  
里亓官聖祀在安樂里聖族之親禮所宜異復顏氏  
亓官氏邑中繇發以尊孔心念聖歷世禮樂陵遲秦  
項作亂不尊圖書倍道畔德離敗聖輿食糧亡於沙  
邱君於是造立禮器樂之音符鐘磬瑟鼓雷洗觴觚

爵鹿相桓籩杞禁壺修飾宅廟更作二輿朝車威熹  
宣抒元汗以注水流法舊不煩備而不奢上合紫臺  
稽之中和下合聖制事得禮儀於是四方士仁聞君  
風耀敬咏其德尊琦大人之意連彌之思乃共立表  
石紀傳億載其文曰皇戲統華胥承天畫卦顏育空  
桑孔制元孝俣祖紫宮太一所授前闔九頭以斗言  
教後制百王獲麟來吐制不空作承天之語乾元以  
來三九之載八皇三代至孔乃備聖人不世期五百  
載三陽吐圖二陰出讖制作之義以俟知與於穆韓

君獨見天意復聖之族卓越紀思修造禮樂胡輦器  
用存古舊宇懸勲宅廟朝車威熹出誠造更漆不水  
解一不爭賈深除元汗水通。注禮器升堂天雨降  
澍百姓訢和舉國蒙慶神靈祐誠竭敬之報天與厥  
福永享年壽上極。旁伎皇代刊石表銘與乾。○  
耀長期蕩蕩於盛復授赫赫固窮聲垂億載 韓明  
府名勅字叔節


漢泰山都尉孔宙碑


君諱宙字季將孔子十九世之孫也天姿醇淑齊聖  
達道省習家訓治嚴氏春秋緝熙之業既就而閨闈  
之行允恭德音孔昭遂舉孝廉除郎中都昌長祇傳  
五教尊賢養老躬忠恕以及人兼禹湯之罪已故能  
興朴素於彫敝濟弘功於易簡三載考績遷元城令  
是時東嶽黔首猾夏不共釁鼓戢兵遺畔未寧乃擢  
君典戎以文修之旬月之間莫不解甲服罪載芟載  
耨田畷喜於荒圃商旅交乎險路會鹿鳴於樂崩復



長幼於酬酢□□□□會遭篤病告困致休得從所  
好年六十一延熹六年正月乙未遜卒貴速朽之反  
真慕寧儉之遺則寔宥不華明器不設凡百邛高德  
音靡述於是故吏門人乃共陟名山采嘉石勒銘示  
後俾有夷式其辭曰於顯我君懿德惟光昭聖作儒  
身立名彰貢登王室閭閻是更夙夜匪懈在公明明  
乃紘二縣黎儀以康於天時雖撫茲岱方翦彼凶人  
覆俾□□南畝孔饁山有夷行豐年多黍禱彼兕觥  
帝賴其勲民斯是皇疾疢不復乃委其榮忠告慤懃

屢省乃聽恭儉自終簠簋不陳生播高譽沒重令名  
永矢不刊億載揚聲





郭有道碑銘

漢蔡邕撰


先生諱泰字林宗太原介休人也其先出自有周  
王季之穆有號叔者寔有懿德文王咨焉建國命  
氏或謂之郭即其後也先生誕膺天衷聰叡明哲  
孝友溫恭仁篤慈惠夫具器量弘深姿度廣大浩  
浩焉汪汪焉粵乎不可測已若乃砥節礪行直道  
正辭貞固足川幹事隱括足川矯嘗遂考覽六經  
探綜曷緯周流華夏隨集帝學收文之將墜拯  
微言之未絕於時纓綏之徒紳佩之士望形表而

影附聆嘉敬而響和者猶百川之歸巨海鱗介之宗  
龜龍也爾乃潛隱衡門收朋勤誨童蒙賴焉用法其  
蔽州郡聞德虛已脩禮莫之能致群公沐之遂辟司  
徒掾人舉有道皆以疾辭將蹈鴻涯之選跡紹巢許  
之絕軌翔區外以舒翼起天衢以高峙稟命不融享  
年四十有二以建寧二年正月己亥卒凡我四方同  
好之人永懷哀悼靡所真忘乃相與推先生之德以  
謀不朽之事僉以為先民既沒而德音猶存者亦賴  
之於見述也今其如何而闕斯禮於是樹碑表墓昭

銘景行俾芳烈舊於百世令聞顯於無窮其辭曰  
於休先生明德通玄純懿淑靈受之自天崇壯幽浚  
如淵禮樂是悅詩書是敦匪惟振華乃尋厥根  
宮墻重仞允得其門懿乎其純確乎其操洋洋縉紳  
言觀其高栖遲泌丘善誘能教赫赫貳章幾行其招  
委辭召貢深此清妙降年不永民斯悲悼爰勤茲銘  
摘其光曜嗟爾來世是則是效大漢建寧二年庚戌  
春二月既望勒石

魯相史晨饗孔廟前碑文

建寧二年三月癸卯朔七日己酉魯相臣晨長史臣  
謙頓首死罪上尚書臣晨頓首頓首死罪死罪臣蒙  
厚恩受任符守得在奎婁周孔舊寓不能闡弘德政  
恢崇一變夙夜憂怖累息屏營臣晨頓首頓首死罪  
死罪臣以建寧元年到官行秋饗飲酒泮宮畢復禮  
孔子宅拜謁神坐仰瞻椽桷俯視几筵靈所憑依肅  
肅猶存而無公出酒脯之祠臣即自以奉錢修上案  
食醊具以叙小節不敢空謁臣伏念孔子乾坤所挺






西狩獲麟為漢制作故孝經援神契曰元至聖制命  
帝郊行又尚書考靈曜曰至聖生倉際觸期稽度為  
赤制故作春秋以明文命綴紀撰書修定禮義臣以  
為素王稽古德亞皇代雖有褒成世享之封四時來  
祭畢即歸國臣伏見臨辟雍日記孔子以太牢長吏  
備爵所以尊先師重教化也夫封土為社立稷而祀  
皆為百姓興利除害以祈豐穰月令祀百辟卿士有  
益於民矧乃孔子元德炳炳光于上下而本國舊居  
復禮之日闕而不祀誠朝廷聖恩所宜特加臣寢息

耿耿情所思惟臣輒依社稷出王家穀春秋行禮以  
共煙祀餘胙賜先生執事臣晨頓首頓首死罪死罪  
臣盡力思惟庶政輒稱為效增異輒上臣晨誠惶誠  
恐頓首頓首死罪死罪上尚書 時副言太傅太尉  
司徒司空大司農府治所部從事 昔在仲尼汁光  
之精大帝所挺顏母毓靈承敝遭衰黑不代倉○○  
應聘歎鳳不臻自衛反魯養徒三千獲麟趣作端門  
見徵血書著紀黃玉齠應主為漢制道審可行乃作  
春秋復演孝經刪定六藝象與天談鉤河摘雒郤揆

未然魏魏蕩蕩與乾比崇




魯相史晨饗孔廟後碑文

相河南史君諱晨字伯時從越騎校尉拜建寧元年  
四月十一日戊子到官乃以今日拜謁孔子望見闕  
觀式路虔器既至升堂屏氣拜手祇肅肩僂髻髻若  
在依依舊宅神之所安春秋復禮稽虔元靈而無公  
出享獻之薦飲因春饗導物嘉會述修辟雍社稷品  
制即上尚書參以符驗乃敢承祀餘胙賦賜刊石勒  
銘并列本奏七漢延期彌歷億萬時長史廬江舒  
李謙敬讓五官掾魯孔暘功曹史孔淮戶曹掾薛東

門榮史汶陽馬琮守廟百石孔讚副掾孔剛故尚書  
孔立元世河東太守孔彪元上處士孔褒文禮皆會  
廟堂國縣員冗吏無大小空府竭寺咸俾來觀并畔  
宮文學先生執事諸弟子合九百七人雅歌吹笙考  
之六律八音克諧蕩邪反正奉爵稱壽相樂終日於  
穆肅雍上下蒙福長享利貞與天無極 史君饗後  
部史仇誦縣吏劉眈等補完里中道士周左牆垣壞  
決作屋塗色修通大溝西流里外南注城池恐縣吏  
斂民侵擾百姓自以城訖道濡麥給令還所斂民錢

材 史君念孔瀆顏母并去市遠遠百姓酤買不能  
得香酒美肉於呂平亭下立會市因彼左右咸所願  
樂 又勅瀆井復民飾治桐車馬於瀆上東行道表  
南北各種一行梓 假夫子冢顏母井舍及魯公冢  
守吏凡四人月與佐除



博陵太守孔彪碑

君諱彪字元上孔子十九世之孫潁川君之元子也  
君少履天姿自然之正帥禮不爽好惡不愆考喪度  
喪修身踐言龍德而學不至於殺浮游塵埃之外矚  
焉汎而不俗郡將嘉其所履前後聘召蓋不得○乃  
翻爾束帶弘論窮理直道事人仁必有子可以託六  
授命如毛諾則不宿○○至也莫不歸服舉孝廉除  
郎中博昌長○○留宿○○遷○○○未出京師遭  
大君○泣踰臯魚喪過乎哀謹畏舊章服竟還署○

拜尚書侍郎無偏無黨遵王之素薦可黜否○○○  
○日恪位佇所在祇肅拜治書御史膺臯陶之廉怒  
○○○○○○○○○○○○○○○○○○○○○○○○○○○○○○  
阻山○○○○以饑饉斯多草竊罔不○○○賊劉曼張丙  
等白日收剽坐家不命君下車之初○○五教○○○○  
削四凶以勝殘乃○○○○爰尚桓桓拚馬鬪害醜類  
已殫路不拾遺斯民以安發號施憲每合天心○○之  
所惡不強人義之所欲不○○○○○姓樂政而歸  
於德望如父母順如流亦遷下邳相河東太守舉此

○○○○○○未怒而懼不令而從雲行雨施○○○  
太和海內歸公卿之任矣勞而不伐有實若虛固執  
謙而○○病解官○○○○孝竭○○○○○彈琴  
擊磬○○○○之味而不改其靜上帝集謔天秩未究  
將據師輔之紀之綱而疾○○流乃碩乃○○○世○建  
寧四年○○月幸○○○○○哀哉魂神超邁家兮冥冥  
遺孤忉絕于嗟想形○○○哀○念不欲生羣臣號咷  
靡所復逞夫逝往不可追兮○○○○○識惟君之軌  
迹兮如列宿之錯置易建八卦撥者數辭述而不作

彭祖賦詩○讚所見於時頌○○是故吏○○○  
王沛等伏信好古敢詠顯○乃刊斯石欽銘洪基昭  
示後昆申錫鑒思其辭曰穆穆孔君大聖之曾惇懿  
允元叡其元秀惟嶽降精誕生忠良奉憲郡○亮彼  
○○克○王道辨物居方○○○也○名朝無  
秕政直哉惟清出統華夏化○○成○猶珍迸賢○  
○庭○○乃○○○○○○○○○○○○○○○○○○  
之翰先民是程宜乎三事金鉉利貞而絜白駒俾世  
憤惻當享眉耆莫匪爾極○○○○貌○不意○○○

悲兮○○○息漫漫庶幾復○○○咨乎不朽沒而  
德存伊尹之休格于○○○惟我君績表於丹青永永  
無斤與日月并○○○○于以慰靈右



